




08054

駱丞集四卷

附考異二卷



全華叢書

全華叢書



駱丞集四卷

上海圖書館藏



重刻駱丞集序

駱丞集前明有單行本吾婺之義烏柘林子孫藏於祠迨我

朝乾隆年間

欽定全唐詩文駱丞文三卷詩三卷均與馬四庫全書目錄曾採載之稱四卷道光初義

駱丞集序

退補齋藏板

烏陳明府津刻駱侍御集註解甚晰近為兵燹所燬板籍散亡同治戊辰余覓得江東孫公素本不分卷數其文亦缺而不全祇載螢火與蕩子從軍二賦暨靈泉一頌而已詩則即全唐集中所載也已已春余裒輯金華文萃將博採駱丞遺集彙付手

民因取全唐文所載為齊州父老請陪封  
禪表以及祭趙郎將諸作共三十八篇挨  
次鈔刊合詩文為四卷俾成完璧又因校  
對各本頗有異同另纂辨訛考異二卷駱  
丞名殿四傑與王楊盧三子爭長而其才  
未及大用武后惜之以為此宰相之過中

宗時詔求其文得數百篇千百年來半就  
散失昔人謂嘗鼎一臠便足知味余嘗三  
復斯集喟然於存者之少而逸者之多也  
抑又幸逸者雖多而存者之猶復不少也  
同治八年夏月同郡後學胡鳳丹月樵甫

謹序





駱丞集目錄

卷一

賦

螢火賦

并序

蕩子從軍賦

頌

靈泉頌

并序

表

自表至序文三十八篇均從全唐文錄出補入

為齊州父老請陪封禪表

狀

自敘狀

卷首

目錄

退補齋藏板

策

對策文三道

書

上吏部裴侍郎書

與程將軍書

答員半千書

與博昌父老書

與親情書

與親情書

啓

上瑕邱韋明府啓

和學士閨情詩啓

上刑太常伯啓

上李少常啓

上兗州刺史啓

上兗州崔長史啓

上兗州張司馬啓

上齊州張司馬啓

上廉使啓

上郭贊府啓

上梁明府啓

上吏部侍郎帝京篇啓

檄

代李敬業討武氏檄

露布

兵部奏姚州破逆賊諾沒弄楊虔柳露布

卷首

目錄

二

退補齋藏板

兵部奏姚州破賊設蒙儉等露布

序文

秋日於益州李長史宅宴序

冒雨尊菊序

晦日楚國寺宴序

饑寒三之豐城序

初夏邪嶺送益府竇參軍宴詩序

秋日餞麴錄事使西州序

贈李八騎曹詩序



揚州看競渡序

秋日與羣公宴序

聖泉詩序

釣磯應詰文

祭趙郎將文

卷二

五言古詩

夏日遊德州贈高四

在江南贈宋五之間

詠懷古意上裴侍御

卷首

目錄

三

退補齋藏板

七言古詩

帝京篇

疇昔篇

行軍軍中行路難

行路難

豔情代郭氏荅盧照鄰

代女道士王靈妃贈道士李榮

卷三

五言律詩

在獄詠蟬 并序

遊紫雲觀贈道士

渡瓜步江

途中有懷

至分水戍

望鄉久泛

久客臨海有懷

遊兗部寄孔君自衛來欣然相遇若舊

西京守歲

春雲處處生

白雲抱幽石

同辛簿簡仰酬思立上人林泉

四首

秋日送陳文林陸道士

送鄭少府入遼

送費六還蜀

秋日送侯四

秋日送尹大赴京

秋夜送闍五

卷首

目錄

四

退補齋藏板

送王明府上京參選

秋日送別

別李嶠

在兗州餞宋五之問

遊靈公觀

夏日遊山家同夏少府

初秋登司馬樓宴

初秋於竇六郎宅宴

冬日宴

鏤雞子

詠雲酒

詠美人在天津橋

憲臺出繫寒夜有懷

送郭少府

餞駱四

二首

冬日過故人任處士書齋



塵灰

秋晨同淄川毛司馬秋色九詠

秋風

秋雲

秋蟬

秋露

秋月

秋水

秋螢

秋菊

秋鴈

詠水

詠鴈

詠雪

王昭君

樂大夫挽詞

五首

丹陽刺史挽詞

五首

卷首

目錄

五

退補齋藏板

送劉少府遊越州

從軍行

稱心寺

陪潤州薛司空丹徒桂明府遊招隱寺

出石門

至分陝

北眺春陵

夏日遊目聊作

同崔駙馬曉初登樓思京

月夜有懷簡諸同病

春夜韋明府宅宴

送宋五之問

卷四

五言排律

浮槎 井序

春霽早行

晚度天山有懷京邑

晚泊河曲

晚泊蒲類津

早發淮口望盱眙

遠使海曲春夜多懷

早發諸暨

過張平子墓

海曲書情

邊城落日

蓬萊鎮

宿温城望軍營

和孫長史秋日臥病

四月八日題七級

卷首

目錄

六

退補齋藏板

早秋出塞寄東臺詳政學士

鄭安陽入蜀

在軍中贈先還知己

和李明府

望月有所思

送吳七遊蜀

西行別東臺詳政學士

春晚從李長史遊開道林故山

和王記室從趙王春日遊陀山寺

冬日野望

夕次舊吳

過故宋

秋日山行簡梁大官



晚泊江鎮

晚渡黃河

晚憇田家

宿山莊

夏日憶張二

寓洛對雪憶謝二

敘寄員半千

靈隱寺

寒夜獨坐遊子多懷簡知己

傷祝阿王明府

詠懷

邊夜有懷

久戍邊城有懷京邑

幽繫書情通簡知己

棹歌行

五言絕句

卷首

目錄

七

退補齋藏板

在軍登城樓

臨易水送人

送別

詠照鏡

挑燈杖

詠塵

翫初月

七言絕句

憶蜀地佳人

雜言詠鷺

駱丞集卷一

唐駱賓王撰

郡後學胡鳳丹月樵校梓

賦

螢火賦

并序

余猥以明時久遭幽繫見一葉之已落知四運之將終悽然客之爲心乎悲哉秋之爲氣也光陰無幾時事如何大塊是勞生之機小智非周身之務嗟乎綈袍非舊白首如新誰明公冶之非孰辨臧倉之愬是用中宵而作達旦不瞑覩茲流螢之自明哀此覆盆

卷一

駱丞集

一

退補齋藏板

之難照夫類同而心異者龍蹲歸而宋樹伐質殊而聲合者魚形出而吳石鳴苟有會於精靈夫何患於異類况乘時而變含氣而生雖造化之不殊亦昆蟲之一物應節不憊信也與物不競仁也逢昏不昧智也避日不明義也臨厄不懼勇也事有恣情而動興因物而多懷感而賦之聊以自廣云耳

伊元功之播氣有川鳥之賦象順陰陽而亭毒資變化而含養每寒潛而暑至若知來而藏往既發揮以外融亦含光而內印若夫小暑南收大火西流林塘



改夏雲物迎秋忽淩虛而赴遠乍排叢而出幽均火  
齊之宵映如夜光之明投逝將歸而未返忽欲去而  
中留人槐榆而燄發石改燧而環周繞堂皇而影泛  
疑秉燭以嬉遊點綴懸珠之網隱映落星之樓乍滅  
乍興或聚或散居無定所習無常翫曳影周流飄光  
凌亂泛豔乎池沼徘徊乎林岸狀火井之沉熒似明  
星之出漢值衝飈而不烈逢淫雨而逾煥炤灼兮若  
湛虛之夜飛的皪兮像招搖之文爛與庭燎而相炫  
然重陰於已昏共爍火而齊息避太陽於始旦爾其  
光不周物明足自資偶仙鼠而伺夜對飛娥之赴燧  
類君子之有道入暗室而不欺同至人之無迹懷明  
義以應時處幽不昧居照斯晦隨隱顯而動息候昏  
明以進退委性命兮幽玄任物理兮推遷化腐木而  
含彩集枯草而藏煙不貪熱而苟進每和光而曲全  
豈如鎔金而自鑠寧學膏火之相煎陋蟬蛻之習蛻  
恍螻蟻之慕羶匪傷蜉蝣之夕不羨龜鶴之年搶榆  
飛而控地搏扶起而垂天雖小大之殊品豈逍遙之  
異筌夫何化之斯化無使然而自然若乃有來斯通

卷一

駱丞集

二

退補齋  
藏板

無往不至排朱門而獨遠昇青雲而自致匪偷光於鄰壁寧假輝於陽燧終徇己以效能靡因人而成事物有感而情動迹或均而心異響必應之於同聲道固從之於同類始未明於趨捨庸詎識其旨意子惠不知魚之爲樂吾又安能知螢之爲利高明兮有融遷變兮無窮牛哀倏而化虎羽泉忽兮生熊血三年而藏碧魂一變而成虹知戰場之有燐晤冤獄之爲蟲彼翻飛之弱質尙矯翼而凌空何微生之多蹟獨宛頸以觸籠異壁光之照無同劍影之埋豐覲道迷而可復庶幽鑒而或通覽光華而自照顧形影以相弔感秋夕以殷憂歎宵行以熠燿熠燿飛兮絕復連殷憂積兮明且煎見流光之不息愴驚魂之屢遷如過隙兮已矣同奔電兮忽焉儻餘光之可照庶寒灰之重然

蕩子從軍賦

李空同謂此不類賦體當作歌行爲是觀者詳之

胡兵十萬起妖氛漢騎三千掃陣雲  
隱隱地中鳴戰鼓迢迢天上出將軍  
邊沙遠離風塵氣塞草長萎霜露  
文蕩子辛苦十年行回首關山萬里情  
遠天橫劍

卷一

駱丞集

三

退補齋藏板



氣邊地聚笳聲鐵騎朝常警銅焦夜不鳴抗左賢而  
列陣屯右校以疏營滄波積凍連蒲海雨雪凝寒遍  
柳城若乃地分立徼路指青波邊城暖氣從來少關  
塞元雲本自多嚴風凜凜將軍樹苦霧蒼蒼太史河  
旣拔距以從軍且揚麾而挑戰征旆凌沙漠戎衣犯  
霜霰樓船一舉爭沸騰烽火四連相隱見戈文耿耿  
懸落星馬足駸駸擁飛電終取俊而先鳴豈論功而  
後殿征夫行樂踐榆溪倡婦銜怨坐空閨靡蕪舊曲  
終難贈芍藥新詩豈易題池前怯對鴛鴦伴庭際羞  
看桃李蹊花有情而獨笑烏無事而恒啼蕩子別來  
年月久賤妾空閨更難守鳳凰樓上罷吹簫鸚鵡杯  
中休勸酒聞道書來一鴈飛此時緘怨下鳴機裁鴛  
帖夜被薰麝染春衣屏風宛轉蓮花帳窗月玲瓏翡  
翠帷箇日新粧始復罷祗應含笑待君歸

靈泉頌

并序

聞夫立功幽贊靈心以有德是親至道冥符篤行以  
通神爲本若乃天經地義色養叶於因心夏清冬溫  
愛敬弘於錫類下建六幽之奧上洞三光之精不有

卷一

駱丞集

四

退補齋  
藏板

至誠孰云斯感有廣平宋思禮字過庭皇朝永州刺史昉之嫡孫戶部員外順之長子伶丁偏露早喪慈親永懷鞠養之恩長增思慕之痛弱不好弄長而能賢趨庭聞詩禮之風永宗最曾閔之行事後母徐以至孝聞北面興悲泣高堂而咎已東遊下位干微祿以逮親調露二年來佐百里俯就微班之列將申返哺之情苟立身其若斯於從政乎何有時歲亢旱金石行銷遠近川原殆將堙絕濬井皆爲湯谷通波盡化污池太夫人在遲暮之年有溫勞之疾非濫漿不

卷一

駱丞集

五

退補齋藏板

可以適口非源泉不可以蠲痾色養旣虧憂惶靡訴俄而廳階之下忽有清泉自生因疏導其源遂流注不竭味甘若醴氣冷如冰此邑城控剡山地連禹穴基址多石岡阜無津爰自興建以來久微穿汲之利非精誠貫於有道純志澹於無私孰能洽冥貺以通幽導靈泉而致養者也昔漢臣忠烈窮井飛於一言姜婦孝思潛波移於七里靜惟陳迹彼亦何人蕭縣尉柳冕耿介之士也道合則金蘭若膠漆清異則軒冕猶埃塵片善可嘉朝聞甘於夕死一諾猶重黃金



賤於白圭以爲執友素交豈輕肥利祿之謂也賞音  
達禮寧鐘鼓玉帛之云乎所恥者歿而無稱所貴者  
存乎不朽徒懷美志未遇良材某出贊荒隅途經勝  
壤三秋客恨長懷宋王之悲一面交歡鬻雪桓譚之  
涕覩斯水之清泚感若人之精誠見賢思齊仰珪璋  
而有地揮毫興頌鏤琬玉以無慙乃作頌曰

粵若稽古厥初生民其誰不孝獨我難倫義不悖道  
仁不遺親愛敬盡力孝悌通神顧我罔極因心感至  
冥契動天甘泉湧地冷冷無竭蒸蒸不匱曾是我思

卷一

駱丞集

六

退補齋  
藏板

水錫爾類爰有勞人景行芳塵事諧則感道洽斯親  
孝爲禮主名爲實賓儻斯文之不墜知盛德之有鄰

補遺

從全唐文錄出

爲齊州父老請陪封禪表

臣聞元天列象紫宮通北極之尊大帝凝圖宏猷暢  
東巡之禮是知道隆光宅旣輯玉於雲臺業紹禋宗  
必塗金於日觀陛下乘乾握紀纂三統之重光御辯  
登樞應千齡之累聖故得河浮五老啓赤文於帝期  
海薦四神奉丹書於王會瑞開三脊祥洽五雲旣而

輯總章之舊文紹辟雍之故事非烟翼馭移玉輦於  
梁陰若月乘輪祕金繩於岱嶽臣等職均芻狗陰謝  
桑榆幸屬堯鏡多輝照餘光於連石軒圖光耀追盛  
禮於樅金然而鄒魯舊邦臨淄遺俗俱沐二周之化  
咸稱一變之風境接青疇俯瞰獲麟之野山開翠岵  
斜連辨馬之峯豈可使稷山遺氓頓隔陪封之禮淹  
中故老獨奉告成之儀是用就日披丹仰璧輪之三  
舍望雲抒素叫天闡於九重儻允微誠許陪大禮則  
夢瓊餘息仰仙闕以交懽就木殘魂遊岱宗而載躍

自敘狀

卷一

駱丞集

七

退補齋  
藏板

伏奉恩旨令通狀自敘所能某本江東布衣也幸屬  
大鑑貞觀合璧光輝易彼上農叨茲下秩於今三年  
突然而進不能談社稷之務立事寰中退不能埽丞  
相之門買名天下徒以黃離元吉白賁幽貞沐少海  
之波瀾照重光之麗景雖任能尙齒載宏進善之規  
而觀過知人異降自媒之旨是用披誠瀝懇以抒愚  
衷若乃忘大易之謙光矜小人之醜行彈冠入仕解  
褐登朝飾懷祿之心效當年之用莫不徇名養素勵



朽磨鉛自謂身負管樂之資志懷周召之業若斯人者可勝道哉而修譽察能聽言觀行捨眞筌而擇士沿虛談以取才將恐有其語而無其人得其賓而喪其實故曰知人不易人不易知抑又聞之知臣莫若君知子莫若父誠能簡材試劇考績求功觀其所由察其所以臨大節而不可奪處至公而不可干冀斯言之無虧於從政乎何有若乃脂韋其迹乾沒其心說己之長言身之善視容冒進貪祿要君上以紊國家之大猷下以瀆捐介之高節此凶人以爲恥况吉士之爲榮乎所以令衞其能斯不奉令謹狀

對策文三道

問岱岳遊魂入佳城而怛化瀛洲羽客竦鶴轡而輕舉雖則備於縑素昭晰可觀求諸耳目虛無罕驗棄杖成龍有異虞翻之旨銜恩結草寧符宗岱之言二者何從爾其揚摧

對遐觀素論眇覲元風惟鬼惟仙難究難測至夫滕公長往佳城開白日之微洪崖不歸層邱控紫雲之蓋或崇成蒼狗自是趙王之神道叶赤龍爰通陸安

卷一

駱丞集

八

退補齋藏板

之冶玉壘變萑宏之血金闕化浮邱之靈固能目覩  
桑田來作西王之使魂遊蒿里還爲北帝之臣然而  
將聖生鄒本忘情於語怪多材封魯亦默論於通仙  
泊乎大義旣乖斯文將墜於是八儒三墨之道異軫  
分馳九流百家之文殊途競爽語仙則有無交戰語  
鬼則虛實相紛遂使結草抗軍爰乖宗岱之論化竹  
游水有異虞翻之言然而博訪古詩緬尋曩冊徇其  
浮說徒有奔競之談求諸至言抑匪通經之旨何則  
高明瞰室已著六爻之文太虛游形式編三洞之錄  
故齊君出獵遇豕啼於貝邱周嗣登仙游鶴軒於洛  
浦况乎千寶碩德已輯搜神之書劉向通儒非無列  
仙之傳斯皆實錄諒匪虛談謹對

問士農工商四民各業廢一不可取譬五材而闕里  
致言鄙於學稼漆園起論爰稱絕機豈先聖垂文義  
有優劣將隨方設教理或變通者哉汝其矢陳用啟

前惑

對出震登皇垂衣裳而馭籙乘乾踐帝順舒慘而字  
氓莫不列九土以開疆因四人而安業故農爲政本

卷一

駱丞集

九

退補齋  
藏板



兩漢舉力田之勤財用聚人九市列惟金之利陟龍  
門而就日入仕彈冠斷蟬翼以成風追工運斧咸用  
因人成事隨利濟時蓋五帝通規三王茂範然則泣  
麟上聖訓三千以領徒夢蝶幽人搏九萬以齊物欲  
使邱門志學折以問農之言漢渚絕機杼以灌園之  
巧斯乃變通權數趨舍適宜當今海內乂安天下樂  
業士食舊德農服先疇自可孫宏獻書以待公車之  
制王丹載酒時慰田家之勞謹對

問四十強仕七十懸車著在格言存諸甲令然則顏

卷一

駱丞集

十

退補齋  
藏板

駟韞價始乎白首和尊播美始自韶年欲使滋泉之  
彥必臻洛陽之才無捨則隄防或爽襟帶徒施其道  
如何佇聞嘉答

對竊聞大人有作義佇良材貞士徇名理資明主是  
知君必待士士必待君故使飛龍在天聖智有賢明  
之佐巨魚縱壑元后得唐虞之臣然則否泰或爽材  
運難并歲漸懸車尙牧淄原之豕年甫志學且珥漢  
庭之貂是知因藉時來和君播元鄙之俊當其未遇  
顏生致白首之勤語其古今稽之運會雖則人事抑

亦天時當今乘六御天得一居帝翹車獵彥束帛旌  
賢故叢桂幽人罷韜真於文豹青蓮江使自裂兆於  
非熊豈止洛陽之才來儀漢國滋泉之叟降止周朝  
而已哉某談乏二龍識迷三豕徒以鑽木輕炤仰昇  
扶而耀輝化草餘光對含桂而炫彩迴皇如失俯仰  
多慙謹對

上吏部裴侍郎書

四月一日武功縣主簿駱賓王謹再拜奉書吏部侍  
郎裴公執事易曰書不盡言言不盡意然則理存乎

卷一

駱丞集

十一

退補齋  
藏板

象非書無以達其微詞隱乎情非言無以筌其旨僕  
誠鄙人也頗覽前事每讀古書高堂九仞曾參負北  
向之悲積粟萬鍾季路起南遊之嘆未嘗不廢書輟  
卷流涕沾襟何則情蓄於中事符則感形潛於內迹  
應斯通是用布腹心瀝肝膽庶大雅含宏之量矜小  
人悃款之誠惟君侯察焉賓王一藝罕稱十年不調  
進寡金張之援退無毛薛之游亦何嘗獻策干時高  
談王霸銜才揚已歷詆公卿不汲汲於榮名不戚戚  
於卑位蓋養親之故也豈謀身之道哉不圖君侯忽



垂過聽之恩任以書記之事儼人則多慚阮瑀入幕則高謝邈超昔聶政荆軻刺客之流也田光豫讓烈士之分也咸以勢利相傾意氣相許尚且捐軀燕趙甘死秦韓今君侯無求於下官見接以國士正當陪磨後殿奉節前驅賈餘勇以求榮效輕生而答施而顧逡巡於成命躊躇於從事者徒以夙遭不造幼丁閔凶老母在堂常嬰羸恙藜藿無甘旨之膳松檟闕遷厝之資撫躬存亡何心天地故寢食夢想噬指之戀徒深歲時烝嘗崩心之痛罔極若僕者固名教中

卷一

駱丞集

十三

退補齋藏板

一罪人耳何面目以奉三軍之士乎况屬天倫之喪奄踰七月違膝下之養忽以三年而凶服之制行終哀疚之情未洩興言永慕舉目增傷夫怨於心者哀聲可以應木石感於情者至性可以通神明故徐元直指心以求辭李令伯陳情以窮訴上以棄興王之佐命下以全奉親之篤誠而蜀主不以爲非晉君待之愈厚此二人者豈貪貧賤惡榮華厭萬乘之交甘匹夫之辱也蓋有不得已者哉人有乾沒爲心脂韋成性捨慈親之色養許明主以驅馳內忘顧復之私

外存傳會之眷薄骨肉厚榮寵苟背恩而自效則君侯何以處之且義士期乎貞夫忠臣出乎孝子既不  
能推心以奉母亦安能死節以事人雖物議之無嫌  
實吾斯之未信也况流沙一去絕塞千里子迷入塞  
之魂母切倚閭之望就令觀以卒歲仰南薰之不贊  
而使憂能傷人迫西山而何幾君侯情深錫類道叶  
天經明恕待人慈心應物儻矜犬馬之微願憫烏鳥  
之私情寬其負恩遂其終養則窮魂有望老母知歸  
賓王死罪再拜

與程將軍書

卷一

駱丞集

三

退補齋  
藏板

昨見武郎將備陳將軍之言恩出非常談過其實恭  
聞嘉惠深用慚惶君侯懷管樂之才當衛霍之任豐  
功厚利盛德在人送往事居元勳蓋俗智足以興王  
業道足以濟蒼生尙且屈公侯之尊伸筦庫之士若  
下僕者天地一無用芻狗耳粵自旌賁之辰卽逢聖  
明之歷材不經務不能成佐命之功智不通時不能  
包周身之慮加以天資木強不能屈節權門地隔蓬  
心不能買名時議常願爲仁由已喪我於吾見機可



以絕機無用之爲有用隨時任其舒卷與物同其波  
流者矣其於木也魯班無所措其鈎繩其於駕也伯  
樂無所施其銜策不悟聖朝發明揚之詔君侯緝雍  
熙之道曲垂提獎廣借游揚猥以樗櫟之姿忝預賢  
良之薦當今鴻都富學麟閣多英非游夏不可以升  
堂非夔牙不可以擊節倘片言失德事暴區中匹夫  
竊議語流天下進乖得賢之舉退貽薄德之譏恐不  
肖之軀爲高明之累耳必能一盼增價九術先登燕  
昭爲市駿之資郭隗居禮賢之始則當效駑駘之用  
飾固陋之心陶鑄堯舜之典謨憲章文武之道德上  
以究三才之能事下以通萬物之幽情將使詞翰爲  
行已外篇文章是立身岐路耳又何足道哉言而不  
慚者恃惠子之知我也所恨禁門清切造別無緣官  
守牽纏程期有限某尙期辭滿倘泛孤舟萬里煙波  
舉目有江河之限百齡心事勞生無晷刻之歡嗟乎  
流水不窮浮雲自遠霑襟此別把袂何時恃以平生  
之私忘其貴賤之禮幸勿爲過謹不多談

答員半千書

卷一

駱丞集

十四

退補齋  
藏板

張評事至辱惠書及詩把翫無厭薨如有敘上言離  
恨下助交情篤以猛風乾蘇之談彌以驟雨濕蘇之  
喻雖聞義則徙道存於起予而儻人失倫事均乎玩  
物借如誠說蓋足下之不知言倘或劇談豈吾人之  
所仰望夫鯤之爲魚也潛碧海泳滄流沈鰓於勃海  
之中掉尾乎風濤之下而濠魚并鮒自以爲可得而  
齊焉鵬之爲鳥也刷毛羽恣飲啄戢翼於天地之間  
宛頸乎江海之畔而雙鳧乘雁自以爲可得而褻焉  
及其化羽垂天搏風九萬振鱗橫海擊水三千寧肯  
借翰於搶榆假力於在藻資江濱涓流之水待堀堞  
揚塵之風哉故張子房之達人也擊水搏風之適焉  
朱買臣之屈已也戢翼沈鰓之致焉足下雅得古人  
之致不乏先賢之遇自守莊筌無嬰魏網亦寧不知  
在藻搶榆之力非擊水搏風之助哉而詞旨殷勤深  
所未諭盍言爾志豈若是乎夫人生百年物理千變  
名利寵辱之形立矣愛憎毀譽之迹生焉其有道在  
則尊德成而上幽貞爲虛白之室靜默爲太元之門  
知軒冕是儻來悟榮華非力致苟斯道之不墜亦何

卷一

駱丞集

五

退補齋  
藏板



患乎無成而欲圖僥倖於權重之交養聲譽於眾多之口所以楊朱徘徊於岐路阮籍怵惕於窮途嗟乎霜往露來歲寒不待山高河廣離會無時桂樹寒花公子去而忘返松巖春草王孫遊以不歸去矣員生遠離隔矣音塵不嗣情其勞矣畏途窮谷靜躁殊矣惠而好我無密爾音

與博昌父老書

月日駱賓王致書於博昌父老等承並無恙幸甚幸甚雲雨俄別封壤異鄉春渚青山載勞延想秋天白

卷一

駱丞集

六

退補齋藏板

露幾變光陰古人云別易會難不其然也自解攜襟袖一十五年交臂存亡略無半在張學士溘從朝露辟閭公倏掩夜臺故吏門人多遊蒿里耆年宿德但見松邱嗚乎泉壤殊途幽明永隔人理危促天道奚言感今懷舊不覺涕之無從也過隙不留藏舟難固追維逝者浮生幾何哀緣物興事因情感雖蒙莊一指殆先覺於勞生秦佚三號詎忘情於怛化啜其泣矣尙何云哉又聞移縣就樂安故城廨宇邑居咸徙其地里開阡陌徒有其名荒徑三秋蔓草滋於舊館



頽墉四望拱木多於故人嗟乎仙鶴來歸遼東之城  
郭猶是靈烏代謝漢南之陵谷已非昔吾先君出宰  
斯邑清芬雖遠遺愛猶存延首城池何心天地雖則  
山河四塞是稱無棣之墟松檟千秋有切惟桑之里  
故每懷夙昔尙想經過于役不遑願言徒擁今西成  
有歲東戶無爲野老清談怡然自得田家濁酒樂以  
忘憂故可洽賞當年相歡卒歲寧復惠存舊好追思  
昔游所恨企予望之經途密邇行中衢而空軫巾下  
澤而莫因風月虛心形留神送山川在目室邇人遐  
以此懷勞增其嘆息情不遺舊書何盡言

與親情書

風壤一殊山河萬里或平生未展或睽索累年存沒  
寂寥吉凶阻絕無由聚洩每積淒涼近緣之官佐任  
海曲便還故里冀敘宗盟徒有所懷未畢斯願不意  
遠勞折簡辱逮堙淪雖未敘言暫如披面晚夏炎鬱  
並想履宜賓王疾患忽無况耳

與親情書

某初至鄉閭言尋舊友耆年者化爲異物少壯者咸

卷一

駱丞集

七

退補齋  
藏板



爲老翁山川不改舊時邱隴多爲陳迹感今懷古撫  
存悼亡不覺涕之無從也詢問子姪彼亦凋零永言  
傷情增以悲慟雖死生之分同盡此途而存亡之情  
豈能無恨終朝展接以申濶懷取此月二十日栖桐  
成禮事過之后始得可行祇敘尙賒仰繫何極各願  
珍勛遠無所詮

上瑕邱韋明府啓

寶王啓側聞戢翻觸籠負垂天而跼影伏櫪羈蹄望  
絕塵而踈足故以遊蓮遇綈悟宋玉於嬰羅在藻迷

卷一

駱丞集

大

退補齋  
藏板

波顧蒙莊於煦轍是以臨淄遣婦寄束縕於齊鄰邯  
鄲下客效處囊於趙相伏惟明府公締址瓊峰靈岳  
蔽丹霄之景圖基珠浦神流沃清漢之波玉札飛文  
綜宏詞於楚傳金羸緝藝味雅道於扶陽孕蘭畹而  
生姿澧灞鍾高門之慶產銅溪而寫鏐荆藍資象德  
之禎幼辨羝羊演飛龍之祕策夙談孔雀對家禽之  
麗詞赤野浮銜價之光珠胎瑩色丹穴陪來儀之迅  
鳳彩含姿靈襟轉璧絢逸照於蘭池神府驚蘋韻清  
音於桂浦談叢散馥韞餘氣於九蘭筆海飛濤駭洪



波於入水縮銅麟旬製錦鳧郊化洽下車恩孚攬轡  
德聲含詠仁風飄十地之雄道化編謠惠露灑三天  
之渥狎中牟之馴雉豈懼驍媒驚重泉之瑞鸞非關  
照舞雖則塵飛范飢垂銀有結綬之華而乃調理宓  
絃烹雞屈函牛之量加以招攜白屋勸誘青衿遂使  
漱流逸客望驥足以雲蒸棲泌遺才款龍門而霧會  
某緯蕭末品拾艾幽人寓迹零壇挹危直之祕說託  
根磬渚戢戰勝之良圖幸以奉訓趨庭束情田於理  
窟從師負笈私默識於書林至於九流百氏頗探其

卷一

駱丞集

九

退補齋  
藏板

異端萬卷五車亦研其奧旨將欲優游三樂負杖以  
終年棲遲一邱鳴絃而卒歲諒以糟糠不贍甘旨之  
養屢空簞食無資朝夕之歡寧展是以祈安陽之捧  
檄擬毛義之清塵思魯國之執鞭蹈孔聖之餘志屬  
以蚤秋應節雁序戒時飄金將露玉共清柳黛與荷  
緗漸歇實含毫振藻之際離經析理之期不揆雕朽  
之材竊冀遷喬之路輒期泛愛輕用自媒儻荆璞無  
見致疑夜光不逢按劍則沈骸九死終望銜珠殞首  
三泉徒希結草載塵清矚跼影外慙冒瀆威嚴循心



內駭謹啓

和學士閨情詩啓

某啓學士袁慶隆奉宣教旨垂示閨情詩並序跪發  
珠韜伏膺玉札類西秦之鏡照徹心靈同指南之車  
導引迷誤竊惟詩之興作肇基邃古唐歌虞詠始載  
典謨商頌周雅方陳金石其后言志緣情二京斯盛  
含毫瀝思魏晉彌繁布在縑簡差可商略李都尉鴛  
鴦之詞纏綿巧妙班婕妤好霜雪之句發越清迴平子  
桂林理在文外伯喈翠鳥意盡行閒河朔詞人王劉

卷一

務丞集

三

退補齋  
藏板

爲稱首洛陽才子潘左爲先覺若乃子建之牢籠羣  
彥士衡之藉甚當時並文苑之羽儀詩人之龜鏡爰  
逮江左謳謠不輟非有神骨仙材專事元風道意顏  
謝特挺戕伐典麗自茲以降聲律稍精其閒沿改莫  
能正本天縱明睿卓爾不羣聽新聲鄙師涓之作聞  
古樂笑文侯之睡以封魯之才追自衛之迹宏茲雅  
奏抑彼淫哇澄五際之源救四始之弊固可以用之  
邦國厚此人倫俯屈高調聊同下里思入態巧文隨  
手變侯調慙其曼聲延年愧其新曲走以不敏謬蒙

提及謹申奉和輕以上呈未近詠歌伏深悚慙謹啓  
上司刑太常伯啓

側聞魯澤祥麟希委質於宣父吳坂逸驥實長鳴於  
孫陽是則所貴在乎見知所伸由乎知己故雕其樸  
嶧山有半死之桐賞其聲柯亭無永枯之竹伏惟太  
常伯公儀天聳構橫九霄而拓基浸地開源控四紀  
而疏派自赤文薦祉曲阜分帝子之靈紫氣浮仙函  
谷誕真人之秀本支自代君子萬年道叶神交黃石  
授帝師之略德由天縱白星降王輔之精峰秀學山

卷一

駱丞集

三

退補齋  
藏板

列三墳而仰止瀾清筆海委四瀆以朝宗登小魯之  
巖辨練光於曳馬臨大吳之國識寶氣於連牛垂秋  
實於談叢絢春花於詞苑辯河飛箭激流翻白馬之  
津文江散珠圓波漱驪龍之穴是用德茂麟趾削桐  
葉以分珪道煥鶴池映桃花而曳綬旣而揆留皇鑒  
忠簡帝心奉職春宮爍離光於青殿代工天府明台  
曜於紫宸綜理元風燮調元氣含輝禮樂皎愛日以  
流光毓彩文昌映德星而開照若乃識度宏遠器宇  
疏通明允篤誠盛業隆於后土惠和忠肅元功格於



上天則伊陟謝其緝熙巫咸慙其保乂舉才應器與  
士無私水鏡澄花炫金波於靈府冰壺徹鑒朗玉燭  
於神機則鄧攸莫際其瀾盧毓罕窺其術故使妍媸  
各安其分輕重不失其權五教克敷百揆時敘折衝  
千里魯違談笑之工師表一時郭泰人倫之度加以  
分庭讓士虛席禮賢片善經心揖仲宣於蔡席一言  
合道接然明於鄭階某蓬蘆布衣繩樞韋帶自弱齡  
植操本謝聲名中年誓心不期聞達上則執鞭爲士  
王庭希干祿之榮次則捧檄入官私室庶代耕之願  
然而忠不聞於十室學無專於一經退異善藏進殊  
巧宦搏羊角而高翥浩若無津附驥尾以上馳邈焉  
難托實欲投竿垂餌晦名迹於渭濱抱甕灌園絕機  
心於漢渚幸屬乾坤貞觀烏兔光華嵩山動萬歲之  
聲德水應千年之色雖無爲光宅欣預比屋之封而  
有道賤貧恥作歸田之賦於是謁來甕牖利見金門  
指帝鄉以望雲赴長安而就日美芹之願徒有獻於  
至尊蟠木之姿誰爲容於左右明公決幾成務論道  
經邦一顧之隆駘足逾於仙驥片言之重魚目軼於

卷一

駱丞集

三

退補  
藏板



靈蛇庶望顧兔離箕動薰風於舜海從龍潤礎需甘  
澤於堯雲則膾餘之魚希振鱗於吳水膳後之豕翻  
化龜於魯津拜伏階墀增懼木谷謹啓

上李少常啓

寶王啓竊惟陰陽作炭化一氣以陶甄天地爲鑪混  
萬物爲芻狗然則璧輪均照或流景於萊城玉燭平  
分獨翔寒於黍谷是汙隆迭襲榮悴相循得氣者繁  
滋失時者零落伏以君侯疏乾激派龍門開竹箭之  
波鎮地橫基鵠翅峙蓮花之嶺曜重暉於若月炳疊

卷一

駱丞集

三

退補齋  
藏板

彩於非烟至若瑞動赤符著元勳於東漢烽驚紫塞  
宣武功於北征奕葉龍光聯蟬龜紐德由天縱白星  
降王輔之精道叶神交黃石授帝師之略故得三千  
運北擊舜海以遊鱗九萬圖南望堯雲而矯翰折衝  
千里魯連談笑之功師表一時郭泰人倫之度於是  
九重銜紱懸星彩於宸維四達埋輪振霜威於權石  
加以分庭讓士虛坐禮賢片善必甄揖虞翻於東箭  
一言可紀許顧榮以南金寶王蟠木朽株散樗賤質  
牆面難用灰心易寒退無毛薛之交進乏金張之援



塊然獨居十載於茲矣然而日夜相代笑溝壑之非  
遙貧病交侵思薜蘿而可託欲乘幽控寂進綺季於  
青山樂道棲真從魯連於滄海幸屬舜門廣闢漢幣  
交馳遂得佇嘯高邱應箕文而動韻聆吟大野浮良  
岫以流陰將恐在藻纖鱗終寡登龍之望棲榆弱羽  
徒仰搏鵬之高所冀曲逮恩光資餘潤於東里襲承  
導引托輕夢於南柯撫已多慙循躬增懼謹啓

上兗州刺史啓

側聞未遇孫陽鹽車無絕塵之迹時逢和氏荆山有

卷一

駱丞集

云

退補齋  
藏板

連城之珍豈若聽清音於爨餘則枯桐發響收夜光  
於元璧則怪石騰輝在物猶然况於含識者乎伏惟  
明使君鳳穴振儀龍門標峻瓊雕岳立表秀千雲霞  
煥霜霏澄虛鑿物既而代工天府忠簡帝心擁熊軾  
而撫百城建隼旗而臨千里坐棠敷惠恩纏去思剖  
竹垂仁式歌來暮清凝夜燭化警晨烏外勛九農內  
宏五教道之以禮樂齊之以刑書約法遵寬設蒲鞭  
之恥立言惟信控竹馬之期甘雨隨車雲低輕重之  
蓋還珠合浦波含遠近之星至如臥理稱難坐嘯匪



易披裳問疾垂愛景以字人舉帷廣聽穆薰風而扇  
物飛霜秋降叶隼擊而防小人零露春濡飾羔旌而  
禮君子於是仁必有勇吏不忍欺美譽鬱於三齊芳  
聲騰於萬古若乃清規遠鏡皎月色於靈臺元鑒虛  
凝穆松風於智府研幾十篋探牘九流縟翠萼於詞  
林綵仙花於筆苑文江翻浪織玉激以韜霞學海驚  
瀾綴珠連於濯錦加以懸榻待士擁篲禮賢汲引忘  
疲獎題不倦懷經味道之客望範圍而駿奔兼流包  
略之夫窺義園以遐集求小善於毫芥顧正禮於二

卷一

駱丞集

三

退補齋  
藏板

龍振幽滯於泥沙許公明以一驥某淹中故俗體樸  
厚之清規稷下遺卣陶禮義之餘化頗遊簡素少閱  
縑緗每蟋蟀淒吟映素雪於書帳莎雞振羽截碧蒲  
於翰池既而學異懷蛟才非夢鳥價不齊於南漢芳  
不重於東山幸屬日月光華雲霞紛郁方結羨魚之  
網將謠扣角之詞奮短翮於搶榆希高標之餘拂濯  
纖鱗於涓滴望鴻澤之微霑所冀顧盼曲流翦拂增  
價則鉛刀起一割之用跛鼈致千里之行是知竊混  
吹於齊竽濫飛聲於郢唱抱山雞而自慙顧遼豕以



多慙輕觸威嚴不遑流汗謹啓

上兗州崔長史啓

側聞豐城戢耀駭電之輝俄剖沙邱蹤迹躡雲之轡  
載馳然則激溜侵星佩潛蛟於壯武騰鑣歷塊騁蹠  
駿於咸陽且煦轍波鱗側羨鰲潭之躍觸籠雲翼局  
望鵬程之迅是以齊郊夕唱牛歌揆白石之詞漢境  
朝趨車侯警拂塵之思伏惟某公騰瀾浴景濬靈派  
以含珠擢幹捎雲翊孤巖而聳桂崇基疊秀匡霸道  
於周盟茂緒聯輝贊文場於漢戚偉龍章之秀質騰

卷一

駱丞集

五

退補齋  
藏板

孔雀於觴年叶鳳彩之英資辯蟾精於弱歲靈臺宏  
遠騁霄練於霜潭冊府幽深絢朝虹於璧渚心波湛  
漢泳耀魄於黃陂情岳于天韜風雲於嵒巘龍津共  
濟競欣登御之車蕪室欽賢必攬澄清之轡鬱文條  
而耀彩藻逸潘花蔚詞鋒而銜奇光浮衛玉然則崑  
溪既琢必見山川之精樹羽已懸行嗣雲韶之響是  
以佐龜陰而演化務肅百城翼麟壤以宣風恩覃千  
里嶽猷克著逾盛德於休徵聲績聿宣軼英規於恭  
祖佩呂刀而劭美已贊襄帷之遊屈龐驥而流芳將



騁仁風之駕加以側階引彥鑿醜子之微言倒屣延  
賓辯王生之雅量故使圓流之下探照乘於長波高  
岫之巔剖連城於幽石某瓶筭小器蠅蚊末材環帶  
嶧桐戢晞暘之厚德傍鄰汶篠慕貫時之貞勁但以  
容膝一邱曲阜之瓢遽切枕肱五畝成都之壁已窮  
擔石厭於糟糠負薪疲於裋褐然而少奉過庭之訓  
長趨克己之方弋志書林咀風騷於七略耘情藝圃  
偃圖籍於九流洒惠渥於羊陂屢泛文通之麥峻曲  
岸於鶯谷時遺公叔之冠雖不能縱逸韻於霜皋唳

卷一

駱丞集

七

退補齋  
藏板

野致九天之響而頗亦蓄餘香於露薄垂芬有十步  
之芳而乃恧跡魯鴻非荆山之抵鵲遙名韓犬歎稽  
阜之橫梁方今玉瑄躔秋金風動籟吳宮歸乙望陰  
岫以依遲素林返雁候陽潮而低舉竊金味道之子  
伴纁帛以彈冠屑玉含毫之人望弓旌而翹足竊不  
揆於庸識輒輕擬於揚庭所冀曲逮恩波時流咳唾  
儻能分其斗水濟濡沫之枯鱗惠以餘光照霜棲之  
寒女得使伏櫪驚蹇希騏驥而蹠足竄棘翩翾排鴛  
鸞而刷羽則捐軀匪恡碎首無辭雖復投報楊金君



子以之貽戒效誠魏草小人之所懷恩輕瀆威嚴深  
懼履尾載塵聽覽迫甚蹈冰謹啓

上兗州張司馬啓

某啓竊聞網澗緝寔僚指雲於偃蓋排虛止棘附絕  
電於織離然則左右爲容鏘金有階於蟠木無因而  
至按劍致懼於連城是以質牘于榮發仞資於禽息  
求光抱燧束髮濟於于髡伏惟某官瓊峯聳峭儼曦  
觀而爭峙瑤派驚瀾泝天潢而比濬漢臺引路夕翊  
浮雲之陰晉閣垂瑤朝煜文星之苑劍池濯彩耀震

卷一

駱丞集

三

退補齋  
藏板

德於渥津弱水摘祥炫離精於丹穴辨懸瞳於朗鏡  
肇自騰年對似魄於虧陽光乎弱歲言阿激箭浴紫  
貝以飛湍情岳驚峯蔽丹霄而傑峻文條擢秀馥長  
坂之幽蘭筆苑揚葩煜小山之丹桂松飄結韻摺紳  
藉以雌黃崑電流光通賢資其月且於是佐褰帷於  
魯甸威讐列藩匡露冕於梁陰恩覃絕境緝諧麟甸  
下白鶴於仙庭輔弼冕郊重黃金於帝里加以獎拔  
幽滯汲引英髦錫以吹噓暖燕郊之陰谷延之顧盼  
炤漢圖之寒灰某篠派庸微桐巖賤伍託根鄒邑時



聞闕里之音接開零津屢聽杏壇之說加以承斷織  
之慈訓得銳志於書林奉過庭之嚴規遂容情於義  
圃方欲閉門却掃養拙以終年幽遁鑿坏甘貧而卒  
歲直以栖遲五畝獲鷓鴣之數粒蕭條三逕置侏儒  
之斗儲雖則放曠林泉頗得閉居之趣而乃寂寞蓬  
戶唯深色養之憂是以望檄動容慨南陽而聞寂祈  
名夙駕嘆鄴路以依遲方今涼秋屆節嚴飆扇序衡  
陽極浦振朝音於負霜寒皋迴甸驚宵吟於靜野弓  
旌之禮斯及辟聘之際是期不揆庸愚輕斯自衒所  
冀分其末照惠以餘波得預觀光全由咳唾倘雲鏤  
釋綬申其漱玉之音霜匣開輝照以盤蛟之影則陰  
山之雀敢懷食藥之心漢東之蛇期致投珠之報不  
勝窘迫之至謹啓

上齊州張司馬啓

某啓昔者薛邑聞歌揖馮驩於彈鋏夷門命駕顧侯  
羸於抱關何則志合風雲戴笠均乎乘馬情諧道術  
忘筌貴乎得魚是以挹蘭言於斷金交蓬心於匪石  
庶清音動聽賞流水於牙絃妙思通神叶成風於郢

卷一

駱丞集

无

退補齋  
藏板



匠伏惟公疏源白水浸地軸以輪波纂慶黃軒感星  
精而誕命綴珠華於七曜聯玉葉於五雲至夫神石  
摘祥靈鈞表貺千年馭鶴振仙駕於帝鄉七葉珥貂  
襲榮光於戚里固以紛綸國牒昭晰家聲洎乎鹿走  
周原輔秦圖而興霸蛇分沛澤亞唐運以開基常山  
王之玉潤金聲博望侯之蘭薰桂馥羽儀百代掩梁  
竇以霞舉鍾鼎一時罩哀楊而岳立故得重規遠鏡  
湛月路以流清茂祉遐鋪架雲門而擢秀英飛鳳穴  
藻五色以凝華穎躍龍泉涵九重而毓潤風情踈朗

卷一

駱丞集

三

退補齋  
藏板

霜明月湛之資氣骨端嚴雪白冰清之概若乃性符  
神授道擅生知挫三端於情峯朝九流於學海博聞  
強識辯晉國之黃熊將聖多能識吳門之白馬言泉  
漱迴驚瀑布以飛瀾文江澹清含濯錦而翻浪鬱槐  
市而增茂穆蘭室以流芳於是翔鱣應符觀光上國  
飛龍成卦利見大人搏羊角以垂天展驥足而騰景  
化貳藩邸紹敬祖之清廉光贊外臺陳君回之亮直  
推公平而折獄磔鼠謝其嚴明擁端慤而字人化蛇  
慙其智勇加以清規日舉湛虛照於冰壺元鑒露凝



朗機心於水鏡謙光自牧恭已愛人片善必甄揖虞  
翻於東箭一言可紀許願榮以南金某疾抱支離材  
均擁腫進不能握蘭分竹縮銀黃於雲臺退不能絕  
粒茹芝煉金丹於地肺而出沒風塵之內淪漂名利  
之閒游無毛薛之交仕乏金張之援塊然獨處者一  
紀於茲矣然而日夜相代恐溝壑之非遙貧病交侵  
思薜蘿之可托常願處幽控寂追夏黃於高山樂道  
棲真從魯連於滄海豈圖語默易爽心迹難并題橋  
之恨愈深攀桂之情徒結是用絕深乾沒耽閱邱墳

卷一

駱丞集

三

退補齋  
藏板

謁子將於南荆訪康成於北海西遊梁益效司馬王  
揚之風東入臨淄慕淳于管晏之智瞻言前古徒欲  
思齊俯惟當今空勞懷刺不意雲浮礎潤霜落鐘鳴  
揖郭奉於仙舟有道斯在賞醜明於樽俎盛德猶存  
雖雅調清歌誠寡和於郢路而庸音濫吹竊混奏於  
齊竽輕撮課囊揄揚盛德庶金波離畢零陵之石自  
飛瑤光建寅蕭邱之火漸熱學慚麟角德類鴻毛愧  
汗如漿憂心若厲謹啓

上廉使啓



賓王啓每讀書見古人負米之情捧檄之操未嘗不  
廢書輟卷流涕傷心何則情蓄於中事符則感形潛  
於內迹應斯通而悅帝力以栖魂情欣養素仰皇華  
而暢慮敢用披丹伏惟公源控玉輪激神濤而涵地  
基疏金闕架飛呂以韜雲泊乎鹿走周原霸燕圖於  
卽墨蛇分沛澤封漢爵於華城福祿攸鍾公侯必復  
炳靈丹穴習吉黃裳若乃峯秀學山列三墳而仰止  
瀾清筆海委九流以朝宗登小魯之山辯練光於飛  
馬臨大吳之國識寶氣於連牛垂秋實於翰林絢春

卷一

駱丞集

三

退補齋  
藏板

花於文苑清規湛秀照月旦而雕談素論凝元開夜  
光於妙辯旣而業成麟角引茅茹而彈冠道映鳳池  
絢桃林而曳綬揆留皇鑒忠簡帝心奉職春宮標離  
光於青殿代工天府明台耀於紫宸故得龍綬垂光  
戢兩星而開照鶴蓋浮影翼五雲以連陰某大塊流  
形小人餘慶幸河神入昴映白榆以流祥江使負圖  
泛青蓮而薦兆薰風廣扇聖日多輝進不能高議雲  
臺談社稷之上務退不能銷形地肺揖箕穎之餘芳  
而出沒風塵湮淪名利十年無棣萬里惟桑旣而日



遠長安出蓬門而西笑雲飄吳會遡松浦以南浮冀  
塵迹邱中絕漢機於俗網承歡膝下馭潘輿於家園  
不悟地絡遐張維白駒於空谷天羅迴布弋黃鶴於  
高雲顧已鴛鈍並從媒銜力農賤事未免東皋之勞  
反哺私情遽切南陔之詠少希顧復輒布悃誠雖噬  
指思歸空軫倚閭之望而嚙臂求仕非圖高蓋之榮  
明公資孝履忠恕已及物惟幾成務論道經邦庶顧  
免離箕動薰風於舜海從龍潤礎霑甘雨於堯雲則  
白羽書生自銘恩於食稻黃裳童子將賽德於餐花

卷一

駱丞集

三

退補齋  
藏板

拜首迴惶傾心霖霖謹啓

上郭贊府啓

賓王啓側聞樞精嘯谷韻清瀨於驚蘋震德昇乾駿  
元杖而布暖雖涸鱗濡沫尙舐望於鯨波而決羽槍  
榆頗思遷於鶯樹伏惟公瓊基疊秀積珠構於三龍  
玉翰驚華煜瑤林於八桂仙飛有道縈河泛高尚之  
舟德驗通神靈策動幽明之鏡產耶溪而濯質霜鐔  
廓豐匣之姿孕鍾嶺而飛華虹玉絢荆巖之氣松秋  
表勁翊頰霞而挿極菊晚馳芳涵清露而炫沼鑒懸



龍鏡明逸照於咸陽韻入鳧鐘驚洪音於長樂心源  
泛藻控鼇壑以朝宗情嶽披蓮掩龜岑而作鎮惠牛  
曜辯驚荀鶴於談叢揚鳳摛文詠鄒龍於筆海故佐  
銅章於磬渚側扇文鯨之風貳墨綬於銅郊讚誘祥  
鸞之化絃揮單父弼清韻於嵇琴化洽中牟翊馴翬  
於潘雉加以延賓置驛接士軾廬採拔芻微邁欽賢  
於司馬提獎幽滯軼取俊於滄于某甕牖輕生席門  
賤品幸以參名比屋悅康衢以自娛預迹耦耕欣日  
出而知作又以家傳素業弋書林而騁志少奉庭訓

卷一

駱丞集

三

退補齋  
藏板

馳文圃以遊魂至於白簡青箱頗測探其奧旨竹書  
石記亦幽求其邃原雖未能叫徹帝閣聲馳宰府而  
頗亦見推里閭譽浹鄉閭方今銀箭纏秋金壺應節  
吮墨翹足希造杖於一枝味道彈冠望橫經於重席  
不量庸昧竊冀揚庭伏乞恩波暫垂迴盼倘使陳留  
逸調下探柯亭之篠會稽陰德傍眷餘溪之祭則迴  
眸之報不獨著於前龜清亮之音誰專稱於往笛雖  
滄溟遠量敢不愧於牛涔而嵩岱洪恩終曾酬於蟻  
垤輕喧視聽憂讐惟深猥瀆階庭兢惶交集謹啓



上梁明府啓

竊聞薛邑聞琴揖馮諼於彈缺夷門佇駕顧侯嬴於  
抱關何則志合風雲戴笠均乎乘馬情諧道術忘筌  
貴乎得魚是用挹蘭言於斷金效蓬心於匪石庶清  
音動聽賞流水於牙絃妙思通神叶薰風於郢匠伏  
惟某公儀天峙構層基控射牛之峯浸地開源驚濤  
疏鈞鼇之浦至夫封侯廟食掩金張以騫翥三主七  
公覃袁揚而岳立故得重規遠鏡湛月路以流清茂  
祉遐鋪駕雲門而擢秀若乃博聞強記辨晉國之黃

卷一

駱丞集

三

退補齋  
藏板

熊將聖多能識吳門之白馬言泉漱迴驚瀑布以飛  
瀾文江澹虛涵濯錦而翻浪於是功超食跖位典烹  
鮮水鏡澄瀾照孤鸞之舞影鳴琴動操叶馴暈之雅  
音旣而盛德有鄰佐皇華而省俗居羣不器扈輶軒  
而觀風某疾抱支離材均臃腫自弱齡植操本謝聲  
名中年誓心不祈聞達始則執鞭爲仕帝里希干祿  
之榮次則捧檄入官私庭庶代耕之樂然而忠不聞  
於十室學無專於一經退異善交進殊巧宦搏羊角  
而遐翥浩矣無津附驥尾以上馳邈焉難託實欲垂



竿投餌晦名迹於渭濱抱甕灌園絕機心於漢渚幸  
屬乾坤貞觀烏兔光華嵩山動萬歲之聲德水應千  
年之色雖無爲光宅忻預比屋之封而有道賤貧恥  
作歸田之賦明公顧盼成飾咳唾爲恩漏微潤於江  
波流末光於鄰燭幽禽遷木侶丹山於帝梧鳴石浮

川應黃鍾於僊管敢布心也詎能望焉謹啓

謹案此據永樂大典本採入與今傳本詳略互異附載其後靈隱集上梁明府啓云昔者聞歌薛邑賞彈鋏於馮驩佇駕夷門揖抱關於侯子豈惟成風之斷妙思通神流水之絃清音入聽况夫志合者逢心可采情諧者蘭味寧忘伏惟公儀天聳構層基控射牛之峯浸地開源驚濤疏鈞鼇之浦至夫封侯朝食掩金許以霞舉二

卷一

駱丞集

美

退補齋藏板

主入公罩袁揚而岳立於是功超振鷺位典烹鮮水鏡澄瀾照翔鸞之舞影吟琴動操叶馴雉之雅音既而盛德有鄰佐皇華而撫俗君子不器扈輶軒以觀風某蒲石橘遷聲鄉蓬轉不叶十室無專一經攀驥逸而無由仰鵬飛而自失公顧盼成飾咳唾爲恩庶微潤於江波冀末光於鄰燭使幽禽遷木侶丹山於帝梧鳴石在川應黃鐘於僊管敢布心也詎能望焉謹啓

上吏部侍郎帝京篇啓

賓王啓昨引注日垂索鄙文拜手驚魂承恩累息楚  
暈丹質在荆南以懷慙遼豕白頭望河東而載惡賓  
王散樗易朽蟠木難容雖少好讀書無謝高鳳而老  
不曉事有類揚雄徒以易象六爻幽贊通乎政本詩



人五際比興存乎國風故體物成章必寓情於小雅  
登高能賦豈圖榮於大夫蓋欲樂道遺榮從心所好  
非敢希聲刻鵠竊譽雕蟲至若資醜行以自媒銜庸  
音而苟進固立身之殊路行已之外篇矣君侯蘊明  
略以佐時虛靈臺以照物觀梁父之曲識卧龍於孔  
明聽康衢之歌得飯牛於甯戚是用異人翹首俊乂  
歸誠獨此疵賤之姿謬奉清通之盼雖伸由之瑟終  
闕響於邱門而宋玉之謠儻均音於郢路敢忘下里  
輕用上呈庶道叶起予陳卜商之四始恐吾幾失子  
效然明於一言拜首增慙憂心如醉謹啓

代李敬業討武氏檄

僞臨朝武氏者性非和順地實寒微昔充太宗下陳  
曾以更衣入侍洎乎晚節穢亂春宮密隱先帝之私  
陰圖後庭之嬖入門見嫉蛾眉不肯讓人掩袖工讒  
狐媚偏能惑主踐元后於翬翟陷吾君於聚麀加以  
虺蜴爲心豺狼成性近狎邪佞殘害忠良殺子屠兄  
弑君鳩母神人之所共疾天地之所不容猶復包藏  
禍心竊窺神器君之愛子幽在別宮賊之宗盟委以

卷一

略丞集

三

退補齋  
藏板



重任鳴乎霍子孟之不作朱虛侯之已亡燕啄皇孫  
知漢祚之將盡龍隳地后識夏庭之遽衰敬業皇唐  
舊臣公侯冢子奉先帝之遺訓荷本朝之厚恩宋微  
子之興悲良有以也袁君山之流涕豈徒然哉是用  
氣憤風雲志安社稷因天下之失望順字內之推心  
爰舉義旗以清妖孽南連百越北盡三河鐵騎成羣  
玉軸相接海陵紅粟倉儲之積靡窮江浦黃旗匡復  
之功何遠班聲動而北風起劍氣衝而南斗平暗鳴  
則山岳崩頽叱咤則風雲變色以此制敵何敵不摧

卷一

駱丞集

美

退補齋藏板

以此攻城何城不克公等或居漢地或叶周親或膺  
重寄於話言或受顧命於宣室言猶在耳忠豈忘心  
一坏之士未乾六尺之孤安在儻能轉禍爲福送往  
事居共立勤王之勳無廢大君之命凡諸爵賞同指  
山河若其眷戀窮城徘徊歧路坐昧先幾之兆必貽  
後至之誅請看今日之域中竟是誰家之天下移檄  
州郡咸使知聞

兵部奏姚州破逆賊諾沒弄楊虔柳露布

尚書兵部臣聞北極列象六合奉天子之尊南面乘



乾一統成聖人之業是知衣裳所會義有輯於殊鄰  
霜露所均誠兼育於異類故塗山萬國誅後至者防  
風丹浦一戎緩前禽者就日然則利弧矢以威天下  
法雷霆以靖域中四時行焉天道不能去殺五兵備  
矣皇業所以勝殘雖事切救焚苟順時以濟物恩深  
祝網不獲已而用兵伏惟皇帝陛下登翠媯以握圖  
憲紫微而正象元功不宰混太始以凝神至道無名  
佇華胥而得夢闡文教以清中夏崇武功以制九夷  
環海十洲通波太液之水鄧林萬里交影甘泉之樹

卷一

駱丞集

三

退補齋  
藏板

反踵穿胸之域襲冠帶以來王奇肱儋耳之酋奉正  
朔而請吏逆賊蒙儉和舍等浮竹遺種沈木餘苗邑  
殊禮義之鄉人習貪殘之性日者王明廣燭帝道遐  
融頗亦削左衽而被朝衣解椎髻而昇華冕而豺狼  
有性梟獍難馴遂敢亂我天常變九隆而背誕負其  
地險攜七部以稽誅騷亂邊疆披黻州郡是用三門  
授律長驅無戰之師五月渡瀘深入不毛之地去月  
二十一日軍次三朐崑崙鎮前後捕得生口知守捉  
山羌傍山連結十部蠻首徒五萬眾此山卽南郡中



之巨防也岡蠻千里西通大荒之郊溪谷萬重南極  
炎洲之境聳喬林而插漢陰兔有假道之標拔崇巖  
以隱天陽烏無迴翼之地峯危束馬路絕懸車賊踞  
臨岱之形負建瓴之勢微風召雨蝟起蜂飛驅雜種  
以挺灾封狐千里肆沈黎而作孽雄虺九頭臣以爲  
制敵以權柔遠者祇成於德教伐叛以義決勝者不  
在乎干戈於是廣布朝恩恭宣帝澤申之以安撫曉  
之以存亡信重蠻陬無負黃龍之約賞隆漢爵不渝  
白馬之盟而地接再駟詞屢殫於喻蜀俗通槃瓠聲

卷一

駱丞集

四

退補齋  
藏板

不輟於吠堯臣遣左三軍子總管寧遠將軍前守右  
驍騎萬安府長史折衝都尉上柱國劉會基率檢校  
果毅驍騎尉井陘縣開國男劉元暉等銜枚遠襲卷  
甲前驅偃危旆而設潛兵疑從天落乘闕道而掩不  
備若出地中又遣右三軍子總管明威將軍行右武  
衛翊府中郎將上柱國高奴弗率左武衛天水府折  
衝都尉張仁操等陟南山之南衝其要害之路又遣  
左一軍子總管前右金吾衛翊府左郎將上柱國孫  
仁感率衛尉府右果毅都尉王文雅等陵北山之北



絕其飛走之塗賊首領楊虔柳諾沒弄諾覽斯等振螳螂之力拒轍當輪縱蚊蚋之羣彌山滿谷劉會基高奴弗孫仁感等並忠勤克著知略遠聞識明君之重恩輕生有地提太阿之神劍視死無時彎弧而兇黨土崩舉刃而妖徒瓦解雖危蒼沸鼎未窮梟首之誅救死扶傷猶致析骸之爨二十二日臣遣副總管兼安撫副使定遠將軍前左驍騎翊府中郎將令狐知通率右武衛良將壯府左果毅都尉韓惠德等擁貔豹之雄順天機而左轉遣管內安撫副使朝議大

卷一

駱丞集

聖

退補齋藏板

夫使持節守銀州刺史上柱國宜春縣開國男李大志率前左武衛靜初府右果毅都尉上柱國陳宏義等驅象犀之卒乘地軸以右迴又遣行軍司馬朝散大夫守雋州都督府長史上柱國梁待辟率守右金吾衛宜昌府果毅都尉闔文成等總投石拔距之材蹈中權而拊其背又遣前守右威衛龍西府果毅都尉康留買等騰躍鐵歛金之騎犯前茅而扼其喉臣等率守左衛清宮府左果毅許懷秀等橫玉弩以高臨縱金鉦而直進元雲結陣影密西郊赤莖揮鋒氣



衝南斗飛塵埃而匝地白日爲之晝昏掃氛稜以稽  
天滄溟爲之晦色兵交刃接烏散魚驚自卯及申追  
奔逐北斬首千餘級轉戰三十里激流膏而爲泉似  
變衰宏之血委亂骸而擠壑若泛鼈靈之屍旣而照  
盡高春雲昏乙夜賊乃收集餘眾保據重巖臣度彼  
遊魂慮其宵遁使三軍齊進四面合圍二十三日乘  
魚爛之危啓蛇行之陣揚麾誓眾杖節訓兵一鼓先  
登賞必懸於芳餌九攻核律罪無赦於嚴誅五部雄  
材三河俠少或生居燕地尤工卽墨之圍或家本秦  
人早習昆明之戰叱咤則江山搖蕩慷慨則林壑飛  
騰舉鵬力以揚威耀犀渠而賈勇澄氛廓稜回夏景  
以潰春冰滅迹掃塵若霜風之捲秋穽戰踰百里時  
歷三朝前後生擒四千餘人斬首五千餘級諾沒弄  
楊虔柳等頌元行陣懸首旌門蒙儉和舍等委眾奔  
馳脫身挺險雖復刑以止殺丁壯咸伏於誅夷禮不  
重傷班白必存於寬宥昔魏臣賦蜀徒聞蒟醬之奇  
漢使開邛纔通竹杖之利豈若膺紫泥而弔伐指丹  
微以臨戎一戰而孟獲成擒再舉而哀牢授首斯並

卷一

駱丞集

望

退補齋  
藏板



皇威遠暢廟略遐覃奉元猷以配天徒知帝力掩皇  
輿而闢地豈曰臣功無任慶快之誠謹遣某奉露布  
以聞軍資器械別簿條上

兵部奏姚州破賊設蒙儉等露布

臣聞七緯經天星墟分張翼之野八紘紀地炎洲限  
建木之鄉西距大秦雜金行而布氣南通交趾枕銅  
柱以爲鄰俗帶白狼人習貪殘之性河淪赤虺川多  
風雨之妖水積炎氛山涵毒霧竹浮三節肇興外域  
之源木化九隆頗爲中原之患年將千紀代歷百王

卷一

駱丞集

望

退補齋  
藏板

鄭純之化不追孟獲之風逾煽故三年疲眾徒聞定  
竿之譏五月出師末息渡瀘之役然則大人拯物上  
聖乘期法乾坤以握樞體剛柔而建極知仁義不能  
禁暴設刑網以勝殘知揖讓不可濟時用干戈而靖  
亂伏惟皇帝陛下祥摛戴玉拓地軸以登皇道契書  
繩掩天紘而踐帝元雲入戶纂靈瑞於丹陵蒼籙升  
壇薦禎圖於翠渚垂衣裳以朝萬國崇玉帛而禮百  
神昭儉防奢露臺惜中人之產宣風布政明堂法上  
帝之宮致羣生於太和登品物於仁壽四神踐雪五



老飛星君圍祥麟樂班文於仙卉女牀鳴鳳韻歸昌  
於帝梧四喚同文五方異色鄧林萬里纔疏苑囿之  
基曾城九重未出池隍之域六合照臨之地候月歸  
琛大鑑覆載之間占風納賚蠢茲蠻貊敢亂天常橫  
赤燦以疏疆背朱提而設險山林萬仞巖邑千尋望  
秦阜以相傾峭陵失四塞之阻對梁山而錯峙劍門  
成一簣之峯自謂絕壤遐方中外足以迷聲教憑深  
負固江山可以逃靈誅不知玉弩垂芒凶水無九嬰  
之沴瑤階舞戚洞庭有三苗之墟臣等謬以散材忝

卷一

駱丞集

四

退補齋  
藏板

專分閫自白招乘候順秋帝以揚旌絳節臨邊通夜  
郎而解辯雲開嵩穴旆轉邛川峻岐折坂之危盡忘  
襟帶滇池漏江之固曾莫藩籬唯逆賊設蒙儉等未  
革狼心仍懷豕突陸梁方命旅拒偷生城接祠難竟  
無希於改旦山多神鹿終未息於擇音臣以大帝宣  
威有征無戰明王仗順先德後刑宏聖澤於中孚緩  
天誅於大造庶南薰解愠仰雲闕以翔魂東律變音  
扣轅門而頓顙而祝禽疎網徒開三面之恩毒虺挺  
災逾肆九頭之暴乃鳩集餘衆蟻結兇徒僮耳椎髻



之渠千里霧合鑿齒雕題之孽一呼雲屯凌石齒以  
開營拒巖椒而峻壘崇巒切漢若登藏寶之山絕壑  
憑霄似瞰封泥之谷以前月十七日連營布陣踞險  
揚兵東西三十餘里馬步二十餘萬聚蚊蚋而成響  
聲若雷霆縱蛇豕以爲羣氣衝宇宙臣遣中郎將令  
狐智通等擁拔山超海之師當其步陣遣銀州刺史  
李大志等驅躍景騰雲之騎乘其馬軍遣雋州都督  
府長史行軍司馬梁待辟等領勁卒三千絕其飛走  
之路遣臨源府果毅馬仁靜等勒精兵九百斷其潛

卷一

略丞集

罢

退補齋  
藏板

伏之軍臣率行軍長史韓餘慶等負霜戈而直進指  
雲陣以長驅庶令斬馘七擒戰士挾雷公之怒伏屍  
百里蠻夷識天子之威於是三略訓兵五申誓眾先  
登陷敵無遺大樹之功后拒亂行必致曲梁之罰楚  
人三戶蜀郡五丁氣擁元雲精貫白日暗鳴則乾坤  
搖蕩呼吸則林壑沸騰列旗幟以雲舒似長虹之東  
指橫劍鋒而電轉疑大火之西流刃接兵交洞胸達  
腋自辰踰午魚爛土崩沸殘息於層峯更切守陣之  
哭積圓顛於重阜始成京觀之封唯賊帥夸于未悟



傾巢之兆敢懷拒轍之心獨率馬軍憑川轉鬪驚塵  
亂起六合爲之寢光殺氣相稽四溟由是變色副總  
管李大志忠唯殉國義則忘軀臨危而貞節逾明制  
敵而神機獨遠丹誠自守雖九死其如歸白刃交前  
豈三軍之可奪投袂則妖徒霧廓舉旗而逆黨冰摧  
於是乘利追奔因機深入困獸猶鬪如戰廩君之魂  
窮鳥尙飛如驚杜宇之魂斬甲卒七千餘級獲裝馬  
五千餘匹僵尸蔽野臨赤坂而非遙流血灑途視丹  
微以何遠首領和舍等並計窮力屈面縛軍門寬其

卷一

駱丞集

吳

退補齋  
藏板

萬死之誅宏以再生之路唯蒙儉脫身鋌險負命窮  
山顧巢穴而靡依延晷漏其何幾况妖徒革面微外  
非復他人部落離心舟中皆爲敵國瞻言梟首指日  
可期凡在歸降隨事招撫與之經始復其故業首邱  
懷戀疑臨故國之墟安堵知歸似入新豐之市然后  
班師遞水振旅禹山建鴻勳於武功暢元猷於文教  
庶荒陬襲中邦之禮邊疆息外戶之虞華封祝堯兆  
皇基於千載夷歌頌漢美王澤於三章宜與夫天帝  
前星廣賜秦公之冊坤元益地遙開王母之圖蓋亦



有云曾何足紀斯並元謨廣運廟略遐覃一戎而荒  
景肅清再鼓而邊隅底定豈臣等提戈擐甲克全百  
勝之功仗節揚麾能通九變之策詣藁街而獻旅大  
帝成規聞杖杜以勞旋小臣何力不勝慶快之至謹  
遣行軍司馬朝散大夫守雋州都督府長史上柱國  
梁待辟奉露布以聞軍資器械別簿錄上

秋日於益州李長史宅宴序

夫以五岳棲真杳眇清溪之上六爻貞遁寂寥滄海  
之濱斯並激俗矯時獨善之風自遠懷材蘊智兼濟

卷一

駱丞集

七

退補齋  
藏板

之道未宏長史公元牝凝神虛舟應物得喪雙遣巢  
由與許史同歸寵辱兩存廊廟與山林齊致乘展驥  
之餘暇俯沈犀以開筵曲浦澄漪似對任棠之水芳  
亭興洽如歸山簡之池加以秋水盈襟寒郊滿望洲  
渚肅而蒹葭變風露凝而荷芰疎忘懷在真俗之中  
得性出形骸之外雖四子講德已頌美於中和而五  
際陳詩未形言於大雅爰命虛諛題其序云弁側山  
頽自有琴歌留客操觚染翰非無池水助人盍各賦  
詩式昭樂事云爾



冒雨尋菊序

白帝徂秋黃金勝友解塵成契冒雨相邀問涼燠則  
鴻雁在天敘交游則芝蘭滿室砌花舒菊還同載酒  
之園岸葉低松直枕維舟之浦參差遠岫斷雲將野  
鶴俱飛滴瀝空庭竹響共雨聲相亂仰折巾於書閣  
行閣飄辭挹雅步於琴臺坐聞流水字中蝌蚪競落  
文河筆下蛟龍爭投學海珠簾映水風生曳露之濤  
錦石封泥雨濕印龜之岍泛蘭英於戶牖座接雞談  
下木葉於中池厨烹野雁墜白花於濕桂落紫蒂於  
疎藤雖物序足悲而人風可愛留姓名於金谷不謝  
季倫混心迹於玉山無慙叔夜

晦日楚國寺宴序

夫天下通交忘筌蹄者蓋寡人間行樂共烟霞者幾  
何羣賢抱古人之清風翫新年之淑景情均物我緇  
衣將素履同歸迹混汗隆廊廟與江湖齊致於時春  
生城闕氣改川原聞遷鶯之候時行欣官侶見游魚  
之貪餌坐悟機心加以慧日低輪下禪杖而返照法  
雲凝蓋浮定水以涵光忘懷在真俗之中得性出形

卷一

駱丞集

吳

退補齋  
藏板



骸之外雖交非習靜多慙谷口之談然醉可逃誼自得山陽之氣詩言志也可不云乎

### 餞宋三之豐城序

黯然銷魂者豈非生離之恨與帝里天津槐衢分黑龍之水巴陵地道楓江連白馬之門親友徘徊締歡言於促膝故人樽酒掩離涕於交頤於時晚吹吟桐疑奏別離之曲輕秋入麥似驚搖落之情白日將頹青山行暮想姑蘇之地夕露沾衣望吳會之郊斷風飄蓋嗟乎歧路是他鄉之恨溝水非明日之歡玉斗臨吳太阿之氣可識金陵背楚小子之路行遙盍各賦詩式昭離緒

### 初夏邪嶺送益府寶參軍宴詩序

分首三春送君千里青山白日非舊國之春秋翠筵清樽是他鄉之盃酒况復圭峰南望切登高之情渭水北流動臨川之嘆於時寒光將歇春景未華殘雪飄花猶開六出輕冰涵影未解三川晨風軫孫楚之情歧路下楊朱之淚雖載言載笑賞風月於離前而一詠一吟寄心期於別後詩言志也可不云乎

卷一

駱丞集

兕

退浦齋藏板



秋日餞麴錄事使西州序

麴錄事務切皇華指輪臺而鳳舉羣公等情敦素賞  
臨別館而鳧分促樽酒而邀懽望山川而起恨於時  
露團龍隰雲斂雁天落葉響而庭樹寒殘花疎而蘭  
皋晚聞秋聲之亂水已愴分溝對零雨之飄風倍傷  
歧路五日之趣未淹蘭籍之娛二星之輝行照葱河  
之境清飆朗月我則相思隴水秦川君方嗚咽行歌  
不駐遽驚班馬之嘶贈言可申聊振飛魚之藻人探  
一字一韻一篇

卷一

駱丞集

序

退補齋  
藏板

贈李八騎曹詩序

夫人生百齡促膝是忘言之契大夫四海交頤非贈  
別之資然而想山川之遽遙送歸將遠惜歲華之不  
待行樂無時是用輟征驂以少留傲離亭而多暇山  
芳襲吹坐疑蘭室之中水樹含香宛似楓江之上加  
以御溝新柳近入離絃賓館餘花遙催別酒旣而榮  
波東注灞岸南登綠蟻傾而高宴終金烏落而離言  
促難相思有贈終結想於華滋而素賞無睽盍申情  
於麗藻人爲四韻各賦一言

揚州看競渡序

夏日江干駕言臨眺於時桂舟始泛蘭棹初遊鼓吹  
沸於江山綺羅蔽於雲日嫵媚舞袖向綠水以頻低  
颿颿歌聲得清風而更遠是以臨波笑臉豔出浦之  
輕蓮映渚蛾眉穿波之半月靚粧舊飾此日增奇  
絃管相催茲辰特妙能使洛川迴雪猶賦陳思巫嶺  
行雲專稱宋玉凡諸同好請各賦詩云爾

秋日與羣公宴序

昔挂瓢隱舜蹈箕山而不歸解組逃齊泛滄波而長

卷一

駱丞集

至

退補齋  
藏板

往咸用潛心物外擯影邱中豈若擬迹小山陶心大  
隱叶仲長之怡性偶潘岳之棲閑羣公或道合忘筌  
契金蘭而貴舊或情深傾蓋披玉葉以交新於時玉  
女司秋金烏返照烟含碧篠結虛影於鱗枝風起青  
蘋動波文於翼態庭榴剖實擎丹彩以成珠岸石澄  
瀾泛清漪而散錦旣而蒼敦交道俱忘白首之情款  
爾連襟共挹青田之酒不有雅什何以攄懷共引文  
江同閑筆海云爾

聖泉詩序



元武山有聖泉焉浸淫歷數百千年垂巖泌湧接磴  
分流下瞰長江沙堤石岸咸古人遺迹也茲乃青蘋  
綠芰紫苔蒼蘚遂使江湖思遠寤寐寄託既而崇巒  
左岐石壑前縈丹粵萬尋碧潭千頃松風唱響竹露  
熏空瀟瀟乎人閒之難遇也方欲以林壑爲天屬琴  
樽爲日用嗟乎古今代謝方深川上之悲少長同遊  
且盡山陰之樂盍題芳什共寫高情

釣磯應詒文

余以三伏晨行至七里瀨此地卽新安之江口也有

卷一

駱丞集

至

退補齋  
藏板

嚴子陵釣磯焉澄潭至清洞澈見底往往有羣魚戲  
歷歷如水上行舟人有釣者試取餌投之或有游而  
不顧者或有貪而輒吞之者引竿而舉因以獲焉其  
始出也掉尾揚鬣有若恃力而自免其少退也則鼓  
颺濡沫有似屈體而求哀嗟乎勢牽於人道窮乎我  
將欲以下座而歌馮子又安能中轍而呼莊周哉余  
乃祝之曰猛獸搏也拘於檻穽鷲鳥攫也繫於樊籠  
素龜靈也被髮河津白龍神也挂鱗且網何不泥潛  
而穴處何故貪餌而吞鈎乎於是放之江流盡其生

生之理時同行者顧詰余曰夫至人之處世也擬迹而後投隱心而後動終始不易其業悔吝不乖其情而吾子沈緝於川登魚於陸烹之可以習政術羞之可以助庖厨曩求之將何圖今舍之將何欲余笑而應之曰聖人不凝滯於物智士必推移於時知幾之謂神舍生之謂道殷乙聖也囚於夏矣孔某賢也畏於匡矣以明哲之賢尙罹幽憂之患况鱗羽之族能無弋釣之累哉故曩吾有心也恐求之不得今吾無心也既得之而亡求夫求與舍不亦雙美乎烹與羞

卷一

駱丞集

三

退補齋藏板

不亦兩傷乎况療饑者半菽可以充腹爲政者一言可以興邦亦奚必因小鮮而後明三異之規勦大命而後寄一殮之飽擒而不殺可不謂仁乎獲而不饗可不謂廉乎且夫垂竿而爲事者太公之遺術也形坐磻溪之石兆應渭水之璜夫如是者將以釣川耶將以釣國耶然後知古之善釣者其惟太公乎又有妙於此者其惟文王乎夫文王制六合爲鈞懸西伯爲餌薦之於清廟投之於巨川一引而獲太公再舉而登尙父由此觀之蹲會稽而沈犗者鮑肆之事也



踞滄海而負鼇者漁父之事也斯並眇小者之所習  
安知大丈夫之所鈞哉

祭趙郎將文

惟靈降精辰象委質昌期棄筆文場早徇封侯之志  
影纓武帳坐昇戎秩之榮屬滇浦挺妖昆明習戰應  
星文而動將奉天罰以揚威不能宏妙算於五戎叶  
神謀於九變致令王師失律兇狡憑陵雋穴南臨同  
五溪之深入邛關北阻類雙嶠之不歸亭候多虞故  
有負於明代春秋責帥豈無愧於幽途夫任賢與能

卷一

駱丞集

書

退補齋  
藏板

明君之事也陳力就列忠臣之義也雖見危授命固  
誠節之有餘臨難權機何智謀之不足嗚乎哀哉某  
猥以散材謬專分闕途經夷落路踐戎場停疲驟於  
九原悲來有地痛遺骸於四野泣下無從暫輟征旅  
之勤爰崇掩骼之義庶幽靈有托梧邱息人夢之魂  
壯士不還薤露起送終之曲嗚乎九真邊徼萬里長  
安城危疏勒山峻皋蘭因原爲隴卽壤成棺夕陰曦  
而平蕪晦秋風急而荒戍寒嗚乎哀哉異域幽埏但  
有新栽松柏他鄉古木非復舊邑粉榆感平生其若

斯聊申絮酒倘聰明之不昧式薦篚醪

卷一

賢承集

五

退補齋  
藏板

08054





